

FIRST STEPS

Mga unang hakbang sa buhay ng isang tagasunod ni Cristo

FIRST STEPS
A Study on Basic Discipleship
June 2011

*Sapagkat tinanggap na ninyo si Cristo Jesus bilang Panginoon,
mamuhay kayo sa paraang karapat-dapat sa kanya.
Magpakatatag kayo at patuloy na lumago sa pagkakilala sa kanya.
Magpakatibay kayo sa pananampalatayang itinuro sa inyo,
at lagi kayong magpasalamat sa Diyos.
Colosas 1:6-7 (MBB)*



BALIWAG BIBLE CHRISTIAN CHURCH

*Building local and global GRACE communities
of committed followers of Christ for the glory of God*

✉ 085 Vergel de Dios St., Concepcion, Baliwag, Bulacan 3006 Philippines
☎ 044.766.0747/0922.8102281 🌐 <http://pastorderick.wordpress.com>

Student Notes

FIRST STEPS

Balangkas ng Pag-aaral

Layunin ng pag-aaral: Upang matutunan ang ilan sa mga pangunahing bagay na dapat malaman ng isang Cristiano upang makapamuhay bilang tagasunod ni Cristo.

Aralin 1: KALIGTASANG GAWA NG DIYOS (p. 2)

Paano tayo nagkaroon ng kaligtasan? Gaano kalaki ang ginawa ng Diyos para sa atin? Ano ang naiambag natin sa ating kaligtasan?

Aralin 2: PAMUMUHAY AYON SA NAIS NG DIYOS (p. 7)

Paano tayo mamumuhay sa paraang nakalulugod sa Diyos? Ano ang dapat nating gawin laban sa kasalanang nananahan pa rin sa atin?

Aralin 3: PAKIKINIG SA DIYOS (p. 11)

Paano tayo kinakausap ng Diyos? Ano ang layunin at pakinabang ng Bibliya sa buhay ng isang tagasunod ni Cristo? Paano tayo makikinig sa Diyos?

Aralin 4: PAKIKIPAG-USAP SA DIYOS (p. 14)

Ano ang panalangin? Bakit dapat manalangin? Ano ang mga bagay na dapat ipanalangin? Paano lumapit sa Diyos sa panalangin?

Aralin 5: KAUGNAYAN SA PAMILYA NG DIYOS (p. 17)

Ano ang iglesia? Anu-ano ang mga katangian ng isang lokal na iglesia? Bakit mahalaga para sa mga Cristiano ang pakikiisa at pakikibahagi (commitment) sa isang iglesia?

Aralin 6: KAUGNAYAN SA SANLIBUTAN (p. 20)

Ano ang kaugnayan ng mga Cristiano sa mundong ginagalawan natin? Paano tayo mamumuhay sa harapan ng mga hindi pa nakakakilala kay Cristo? Paano natin ibabahagi ang Mabuting Balita (Gospel) sa iba?

Aralin 7: PAMUMUHAY NA PUNO NG PAG-ASA (p. 23)

Ano ang pag-asa ng isang Cristiano? Ano ang batayan ng pag-asang ito? Ano ang hinaharap na nakalaan sa isang Cristiano? Ano ang epekto nito sa pamumuhay natin ngayon?

Ang pag-aaral na ito ay hango sa seminar materials para sa *Jump Start* ng Capitol Hill Baptist Church (www.capitolhillbaptist.org) na nasa Washington, D.C.

4. Mga praktikal na paglalapat sa pamumuhay

Ang pag-asang ito ay makatutulong upang tayo ay...

- a. Magtagumpay laban sa tukso (1 Pedro 5:8-10)
- b. Mamuhay nang nagtitiwala sa Diyos at naglilingkod para sa kanyang karangalan (Hebreo 11:13-16)
- c. Maging mapagtiis (Rom 8:28-39)

LISTAHAN NG MGA MEMORY VERSES:

- Lesson 1 - **Efeso 2:8-10**
- Lesson 2 - **Galacia 2:20**
- Lesson 3 - **2 Timoteo 3:16-17**
- Lesson 4 - **Lucas 11:9-10**
- Lesson 5 - **Hebreo 10:24-25**
- Lesson 6 - **Mateo 28:18-20**
- Lesson 7 - **Roma 8:28 at Filipos 1:6**

3. Mga aspeto ng pag-asang Cristiano


Bago natin tingnan ang ilan sa mga aspeto ng pag-asang Cristiano, palagi nating ilagay sa isip natin na sa buhay na ito, kahit tayo'y mga Cristiano na, ay:

- Nagkakasala pa rin tayo;
- Nararanasan pa rin natin ang mga sakit at hirap; at
- Darating din ang kamatayan (malibang bumalik si Cristo habang buhay pa tayo).

Bakit mahalaga na ilagay natin sa isip natin ang mga ito? _____

Anu-ano ang dapat nating asahan sa hinaharap?

- a. Pagkabuhay na muli / pagbabalik ni Cristo (I Cor. 15; I Tes. 4:13-18)
- b. Ganap na katuwiran / wala nang kasalanan (Ef. 1:4; Col. 1:28; Fil. 3:12)
- c. Kawalan ng sakit at paghihirap (Pah. 21:4)
- d. Ang walang-hanggang presensiya ng Diyos (Pah. 22:4; I Tes. 4:17)



Aralin I

KALIGTASANG GAWA NG DIYOS

FIRST STEPS

Layunin ng pag-aaral: Upang matutunan ang ilan sa mga pangunahing bagay na dapat malaman ng isang Cristiano upang makapamuhay bilang tagasunod ni Cristo.

Pangunahing Tanong: Paano ako mamumuhay bilang isang Cristiano o tagasunod ni Cristo?

Panimula

Bakit kailangang simulan ang First Steps sa aralin tungkol sa “Kaligtasang Gawa ng Diyos”?

I. Ang Masamang Balita at Ang Mabuting Balita (Bad News vs. Good News)

Noong una'y patay kayo dahil sa inyong mga pagsuway at mga kasalanan. Sinusunod ninyo noon ang masamang takbo ng mundong ito, at napailalim kayo sa prinsipeng kasamaan, ang espiritong naghahari sa mga taong ayaw pasakop sa Diyos. Ang totoo, tayong lahat ay dati ring namumuhay ayon sa ating laman, at sumusunod sa masamang hilig ng katawan at pag-iisip. Kaya't sa ating likas na kalagayan, kabilang tayo sa mga taong kinapopootan ng Diyos.

Efeso 2:1-3 (MBB)

Ayon sa Efeso 2:1-3, ano ang kalagayan natin noong tayo'y hiwalay pa kay Cristo?

- _____
- _____
- _____
- _____
- _____

Noong una, tayo’y mga hangal, hindi masunurin, naliligaw at naging alipin ng makamundong damdamin at lahat ng uri ng kalayawan. Naghari sa atin ang masamang isipan at pagkainggit. Tayo’y kinapootan ng iba at sila’y kinapootan din natin.

Tito 3:3 (MBB)

Ayon sa Tito 3:3, ano ang kalagayan natin bago tayo maging Cristiano?

- _____
- _____
- _____
- _____
- _____
- _____

Buod: Noong tayo’y hiwalay pa kay Cristo, tayo ay:

- Alipin ng kasalanan (Roma 6:17; Juan 8:34)
- Bulag sa kaisipan, kaya’t hindi nakikita ang liwanag ng Mabuting Balita ng kaluwalhatian ni Cristo (2 Corinto 4:4)
- Nalinlang (o nailigaw, Tito 3:3)
- Matigas ang puso at hindi nagpapasakop sa Diyos (Efeso 4:18; Roma 8:7)
- Sa kaisipa’y kaaway ng Diyos (Colosas 1:21)

Bakit mahalagang maunawaan natin ang kalagayan natin sa kasalanan noong tayo’y hiwalay pa kay Cristo? _____

2. Kaligtasang pinasimulan ng Diyos

Ayon sa Efeso 2:4-5 at Tito 3:4-5, sino ang nagpasimula o unang gumawa para sa iyong kaligtasan? Bilugan ang tamang sagot.

- A. Ako
- B. Ang Diyos

2. Ang batayan ng pag-asang Cristiano

Paanong ang pag-asang Cristiano ay isang nananabik at hindi matinig na katiyakan kay Cristo? Dahil sa...

a. Mga pangako ng Diyos na nakasentro kay Cristo

- Ang pangako ng kaligtasan ay tinupad ng Diyos kay Cristo (Isa. 53).
- Si Cristo’y namatay, muling nabuhay, at ngayo’y tagumpay na naghahari (1 Cor. 15:17).

b. Biyaya (grace) ng Diyos

Basahin ang Filipos 1:6 at 1 Corinto 15:10. Paano mo makikita rito ang biyaya ng Diyos? Paano ito nagbibigay ng pag-asa sa atin sa araw-araw?

Ano ang pagkaintindi mo sa sinasabi ni John Piper (sa kanan)?

“If God were not a gracious God, we would have no hope. We could cross our fingers. We could have strong desires and wishes. We could even perhaps decide, by sheer dint of will-power, to be positive thinkers and thus make the best of our brief and uncertain lives. But there could be no talk of moral certainty about good things in the future. There could be no confident expectation that all things will work out in a wonderfully happy way for us.” - John Piper



Aralin 7

PAMUMUHAY NA PUNO NG PAG-ASA

Igalang ninyo si Cristo mula sa inyong puso at sambalin ninyo siya bilang Panginoon. Lagi kayong maging handang magpaliwanag sa sinumang magtatanong sa inyo tungkol sa pag-asa na nasa inyo.
(1 Pedro 3:15)

Mayroon na bang nagtanong sa iyo tungkol sa dahilan ng “pag-asa” na nasa iyo dahil nakita niya ang isang pagbabago sa buhay mo? Paano mo ito ipinaliwanag?

I. Ano ang pag-asang Cristiano?

Ang pag-asang Cristiano ay hindi...

- Pansamantala
- Positibong pananaw na walang katiyakan
- Pakikipagsapalaran

I Corinto 15:19, “Kung ang pag-asa natin kay Cristo ay para lamang sa buhay na ito, tayo na ang pinakakawawa sa lahat ng tao.” *Bakit sa tingin mo nasabi ni Pablo na “pinakakawawa” ang mga Cristiano kung hindi totoo o walang basehan ang pag-asa natin?* _____

Ang pag-asang Cristiano ay...

- Nananabik na katiyakan na ang mga pangako ng Diyos ay totoo.
- Hindi matitinag na katiyakan ng ating kaligtasan batay kay Cristo at sa kanyang ginawa para sa atin.

Subalit napakasagana ng habag ng Diyos at napakadakila ng pag-ibig niya sa atin. Tayo’y binuhay niyang kasama ni Cristo noong tayo’y mga patay pa dahil sa ating pagsuway. Naligtas nga kayo dahil sa kanyang kagandahang-loob.
Efeso 2:4-5 (MBB)

Ngunit nang mahayag sa atin ang kabutihan at pag-ibig ng Diyos na ating Tagapagligtas, iniligtas niya tayo, hindi dahil sa ating mabubuting gawa kundi dahil sa kanyang habag sa atin.
Tito 3:4-5 (MBB)

3. Kaligtasang ipagpapatuloy ng Diyos hanggang matapos

Dalawang pananaw tungkol sa kaligtasan:

Nakasentro sa _____	Nakasentro sa _____
<input type="checkbox"/> Ang tao ay maysakit na nangangailangan ng tulong. <input type="checkbox"/> Nakadepende sa gawa ng tao. <input type="checkbox"/> Ang pananampalataya (<i>faith</i>) ay ambag ng tao sa kaligtasan. <input type="checkbox"/> Ang papuri ay nahahati sa pinasimulang gawa ng Diyos at ginawang pagtugon ng tao.	<input type="checkbox"/> Ang tao ay patay na nangangailangang buhayin. <input type="checkbox"/> Nakadepende sa gawa ng Diyos. <input type="checkbox"/> Ang pananampalataya ay kaloob din na galing sa Diyos. <input type="checkbox"/> Ang lahat ng papuri ay nakalaan sa Diyos dahil siya ang kumilos sa kabuuan ng kaligtasan.

Ano sa tingin mo ang magiging epekto sa iyong buhay Cristiano kung ang paniwala mo ay nakadepende ang kaligtasan (at pamumuhay Cristiano) sa gawa ng tao? _____

“One makes salvation depend on the work of God, the other on a work of man; one regards faith as part of God’s gift of salvation, the other as man’s own contribution to salvation; one gives all the glory of saving believers to God, the other divides the praise between God, who, so to speak, built the machinery of salvation, and man, who by believing, operated it.”
– James I. Packer

Sapagkat ang mga nakilala niya nang una pa ay itinalaga (o pinili, MBB) naman niya na maging katulad sa larawan ng kanyang Anak, upang siya ang maging panganay sa maraming magkakapatid; at yaong mga itinalaga niya ay kanya namang tinawag at ang mga tinawag niya ay itinuring niyang ganap (o pinawalang-sala, MBB); at ang mga itinuring na ganap ay niluwalhati din naman niya.

Roma 8:29-30 (Ang Biblia)

Ayon sa Roma 8:29-30:

Sino ang pumipili (chooses)?

Sino ang tumatawag (calls)?

Sino ang nagpapawalang-sala (justifies)?

Sino ang nagbibigay-luwalhati (glorifies)?

- Ito ay katibayan ng ating pag-ibig sa Diyos.
Juan 14:15

c. Kung ito ay Mabuting Balita, bakit ang hirap ibahagi nito sa iba? Dahil sa...

- Takot sa _____
- Takot dahil kulang ang _____
- Masyadong _____

d. Mga mahahalagang bagay na dapat tandaan sa pagbabahagi ng Mabuting Balita

- Ang katapatan sa pagbabahagi ay may kinalaman sa _____.
- Ang _____, bagamat mahalaga, ay hindi “evangelism.”
- Mahalaga ang iyong pamumuhay.
- Ang pagbabago ng puso ng isang tao ay gawa ng _____.

e. Mga praktikal na hakbang na dapat isaalang-alang upang maging tapat tayo sa pagbabahagi ng Mabuting Balita

- Maging pamilyar sa laman ng gospel tract na *‘Wag Sayangin ang Buhay!* (“Don’t Waste Your Life!”) at sa anim na aralin ng *Following Jesus*.
- Dumalo ng mga pagsasanay tungkol sa evangelism (*The Harvest*).
- Ipanalangin sa Diyos ang mga oportunidad na makapagbahagi sa mga kaibigan, kapamilya, kamag-anak, kklase, o kasamahan sa trabaho.
- Maging matiyaga at huwag kaagad panghinaan ng loob.

4. Kaligtasang para sa karangalan ng Diyos at ayon sa Kanyang layunin

Iniligtas tayo ng Diyos **hindi** dahil sa:

- Ating mabubuting gawa
Tito 3:4-5
- Ating mga likas na katangian
Deuteronomio 7:7-8

Iniligtas tayo ng Diyos:

- Upang bigyang karangalan ang Kanyang sarili
I Pedro 2:9; Efeso 1:4-6, 11-12, 13b-14

Mga gawa?

Ano ang maaaring maging negatibong resulta ng mga gawa nating hindi matuwid (Tito 2:3-5)? _____

Ano naman ang maaaring maging positibong resulta ng mga gawa nating matuwid (Tito 2:9-10)? _____

Hanapbuhay o Pag-aaral (vocation)?

Anu-ano ang maaaring paraan upang makapagbigay tayo ng karangalan sa Diyos at magandang patotoo sa mga hindi Cristiano sa ating pag-aaral o trabaho? _____

Gayundin naman, dapat ninyong paliwanagin ang inyong ilaw sa harap ng mga tao upang makita nila ang inyong mabubuting gawa at papurihan ang inyong Ama na nasa langit.

Mateo 5:16 (MBB)

2. Pagbabahagi ng Mabuting Balita (evangelism)

a. Ano ang “evangelism”? _____

b. Bakit dapat nating ibahagi ang Mabuting Balita sa iba?

Ito ay _____ na dapat sundin.
(Mateo 28:18-20)

Isinasagawa ng Diyos ang kanyang _____ sa pamamagitan nito.
(Roma 10:13-15)

Ipinapakita nito ang pag-ibig at awa na nakay Cristo.
(Mateo 9:36)

Ayon sa Kanyang layunin
2 Timoteo 1:9; Efeso 1:4-5


Bakit ito mahalaga sa buhay Cristiano?

Mahalagang malamang gawa ng Diyos ang kaligtasan sapagkat dulot nito ay:

Kababaang-loob o pagpapakumbaba
Galacia 6:14; Roma 11:6

Katiyakan ng kaligtasan
1 Tesalonica 5:23-24; Filipos 1:6; 1 Corinto 1:8; 2 Corinto 1:21-22

Mga gawang inuudyukan ng pag-ibig hindi ng takot o kaya’y pagmamataas
Efeso 2:8-10; Mateo 5:16



Aralin 2

PAMUMUHAY AYON SA NAIS NG DIYOS

Panimula

Pangunahing Tanong: Paano natin ipapamuhay ang isang buhay na nakalulugod sa Diyos?

I. Pamumuhay ayon sa nais ng Diyos ang ating pagkakatawag

Hindi lamang tayo iniligtas ng Diyos upang makatakas sa parusa ng Kanyang galit, kundi upang mabigyan natin ng karangalan ang Diyos at mamuhay ng isang bagong buhay. Tinawag tayo ng Diyos...

- Upang ipahayag ang kapurihan ng Diyos
1 Pedro 2:9
- Upang maging banal at walang kapintasan
Efeso 1:4
- Upang gumawa ng mabuti
Efeso 2:10

Kung ang kalagayan natin dati na hiwalay kay Cristo ay mga patay at alipin ng kasalanan, paano ngayon tayo makapapamuhay nang nakalulugod sa Diyos?



Aralin 6

KAUGNAYAN SA SANLIBUTAN

Panimula

Sa ating kaugnayan sa “sanlibutan” dapat nating tandaan na tayo ay:

- Nasa sanlibutan ngunit hindi taga-sanlibutan
(Juan 17:11, 14)
- Kabilang na sa kaharian ng Diyos
- Hinuhubog ayon sa larawan ni Cristo
(Roma 8:29; 12:2)

Dahil tayo’y kabilang sa kaharian ng Diyos, *hindi lamang tayo taga-tanggap* ng mga biyaya at gantimpalang kasama dito, ngunit *tayo rin ay aktibong nakikibahagi* sa pagsulong ng kaharian at layunin ng Diyos dito sa sanlibutan sa pamamagitan ng (1) matuwid na pamumuhay at (2) pagbabahagi ng Mabuting Balita sa mga hindi pa kabilang sa kaharian ng Diyos.

I. Pamumuhay nang tapat at matuwid

Mahalagang tanungin natin ang sarili natin: *Paano ako mamumuhay nang may katapatan bilang saksi ni Cristo sa pamamagitan ng aking...*

- Mga salita?** (kung ano ang sinasabi at kung paano ito sinasabi)

Anu-ano ang hindi dapat na marinig sa atin (Efeso 4:25, 29, 31; 5:4)?

Ano ang dapat na makitang katangian sa ating pananalita?

- Nakikitang pagkilos ng Espiritu
Dahil sa maraming himala at kababalaghang nagagawa sa pamamagitan ng mga apostol, naghari sa lahat ang takot. (v. 43)

- Pagpapahayag ng ebanghelyo
At bawat araw ay idinaragdag sa kanila ng Panginoon ang mga inililigtas. (v. 47)

3. Bakit mahalaga sa isang Cristiano ang “commitment” sa isang lokal na iglesia (tulad ng BBCC)?

- Ito ay tagubilin ng Diyos sa atin.
(Hebreo 10:25)
- Sa isang lokal na iglesia nakikita at napa-uunlad ng isang Cristiano ang bunga ng Espiritu sa kanyang buhay at ang kanyang pag-ibig sa ibang mga Cristiano (“one another” commands).
(Galacia 5:22-23; Juan 13:34-35)
- Kailangan ito ng isang Cristiano sa kanyang paglagong espirituwal at sa kanyang pakikipaglaban sa kasalanan.
(Efeso 4:11-14)

Nais mo na bang magpabautismo at maging miyembro ng iglesia? Dumalo sa seminar na pinamagatang “Welcome to the Family: A Class on Baptism and Church Membership.”

2. Tatlong katangian ng ating bagong buhay kay Cristo

a. Bagong kalikasan at bagong pananaw

*Sapagkat ang mga ayon sa laman ay nagtutuon ng kanilang isipan sa mga bagay ng laman; subalit ang mga ayon sa Espiritu ay sa mga bagay ng Espiritu. Sapagkat ang kaisipan ng laman ay kamatayan; subalit ang kaisipan ng Espiritu ay buhay at kapayapaan. Sapagkat ang kaisipan ng laman ay pagkapoot laban sa Diyos; sapagkat hindi ito napapasakop sa kautusan ng Diyos, ni hindi nga maaari; at ang mga nasa laman ay hindi makapagbibigay-lugod sa Diyos.
Roma 8:5-8 (Ang Biblia)*

- Ayon sa Roma 8:5-8, ano ang malaking pagkakaiba ng isang Cristiano at hindi Cristiano?

- Bakit mahalagang maunawaan na tayo’y mayroon nang bagong kalikasan at pananaw?

b. Patay na at pinalaya mula sa kasalanan

*Ano ngayon ang sasabihin natin? Patuloy ba tayong magkakasala upang sumagana sa atin ang kagandahang-loob ng Diyos? Hinding-hindi! Tayo’y patay na sa kasalanan, paano pa tayo mamumuhay sa pagkakasala?...Alam natin na ang dati nating pagkatao ay naipako na sa krus kasama niya, upang mamatay ang ating makasalang pagkatao at nang hindi na tayo maalipin pa ng kasalanan. Sapagkat ang namatay na ay pinalaya mula sa kapangyarihan ng kasalanan.
Roma 6:1-2, 6-7 (MBB)*

- Ano ang resulta ng kamatayan ng ating dating pagkatao?
Sagot: _____
- Sinasabi ba ni Pablo na hindi tayo nagkakasala dahil tayo’y Cristiano na?
Sagot: _____

c. Ang Espiritu laban sa laman (makasalanang pagkatao)

Paano nangyayari ang digmaang ito laban sa kasalanan?

Sapagkat ang laman ay nagnanasa laban sa Espiritu, at ang Espiritu ay laban sa laman; sapagkat ang mga ito ay laban sa isa't isa, upang hindi ninyo magawa ang mga bagay na nais ninyong gawin. Subalit kung kayo'y pinapatnubayan ng Espiritu, kayo ay wala sa ilalim ng kautusan.

Galacia 5:17-18 (Ang Biblia)

3. Pamumuhay ayon sa nais ng Diyos - isang panawagan na kumilos (Colosas 3:1-14)

Ang buhay Cristiano ba ay isang laro na pinapanood lang?

a. Ituon ang isip sa mga bagay na makalangit (Colosas 3:1-4)

Paano natin pag-iibayuhin ang isang kaisipang nakatuon sa Diyos?
Filipos 4:8-9

- Magbulay-bulay sa Salita ng Diyos (v. 8)
- Sumunod sa Salita ng Diyos (v. 9)

- Pagtutulungan bilang isang komunidad ng mga mananampalataya
Nagsasama-sama ang lahat ng sumasampalataya at ang kanilang mga ari-arian ay para sa kanilang lahat. Ipinagbibili nila ang kanilang mga ari-arian at ang napagbilhan ay ipinamamahagi sa bawat isa ayon sa kanyang pangangailangan. (vv. 44-45)

Nanatili sila sa itinuro ng mga apostol, sa pagsasama-sama bilang magkakapatid, sa pagpipira-piraso ng tinapay, at sa pananalangin. ⁴³Dahil sa maraming himala at kababalaghang nagagawa sa pamamagitan ng mga apostol, naghari sa lahat ang takot. ⁴⁴Nagsasama-sama ang lahat ng sumasampalataya at ang kanilang mga ari-arian ay para sa kanilang lahat. ⁴⁵Ipinagbibili nila ang kanilang mga ari-arian at ang napagbilhan ay ipinamamahagi sa bawat isa ayon sa kanyang pangangailangan. ⁴⁶Araw-araw, sila'y nagkakatipon sa Templo, masayang nagpipira-piraso ng tinapay sa kanilang mga tahanan, at may malinis na kalooban. ⁴⁷Nagpupuri sila sa Diyos, at kinalulugdan rin sila ng lahat ng tao. At bawat araw ay idinaragdag sa kanila ng Panginoon ang mga inililigtas.

Gawa 2:42-47 (MBB)

- Pagpapatuloy sa pagsasama-sama (fellowship)
Nanatili sila...sa pagsasama-sama bilang magkakapatid...Araw-araw, sila'y nagkakatipon sa Templo, masayang nagpipira-piraso ng tinapay sa kanilang mga tahanan, at may malinis na kalooban. (vv. 42, 46)
- Banal na Hapunan at Bautismo
Nanatili sila...sa pagpipira-piraso ng tinapay (v. 42)
- Panalangin
Nanatili sila...sa pananalangin (v. 42)



Aralin 5
**KAUGNAYAN SA PAMILYA NG
 DIYOS (ANG IGLESIA)**

Panimula

Ano ang unang pumapasok sa isip mo kapag naririnig mo ang salitang “church” o “iglesia”? Bakit? _____

I. Ano ang iglesia?

a. Mga larawan ng iglesia sa Bagong Tipan

b. Pangkalahatang Iglesia at Lokal na Iglesia (*Universal vs Local*)

- Ang pangkalahatang iglesia ay _____

- Ang lokal na iglesia ay _____

2. Mga Katangian ng lokal na iglesia

- Pagtuturo ng Salita ng Diyos
Nanatili sila sa itinuro ng mga apostol... (v. 42)

b. Patayin ang LAHAT ng ayon sa makasalanang pagkatao
 (Colosas 3:5-9)

Paano natin ito gagawin?

1. Alamin ang mga natitirang kasalanan (gaano man kaliit!)
2. Idalangin ang pagpapalaya ng Diyos mula dito (*deliverance*)
3. Gutumin (*starve*) ang “dating pagkatao”... araw-araw

c. Bihisan ang sarili ng mga katangiang tulad ni Cristo
 (Colosas 3:12-14)

Anong katangian ang nagbibigkis sa lahat ng mga ito (v. 14)? _____

Paano natin bibihisan ang sarili natin ng mga *Christ-like virtues*?

1. Pagbulayan ang ebanghelyo (*gospel*).
2. Ilapat ang ebanghelyo sa iba’t ibang sitwasyon o relasyon sa buhay.



Aralin 3

PAKIKINIG SA DIYOS

Panimula

Dalawang katotohanang dapat isaalang-alang:

- _____ ang Diyos
- _____ tayo

I. Nagsasalita ang Diyos sa pamamagitan ng Kanyang Nilikha

(Awit 19:1-6)

Ano ang ipinapahayag ng Diyos sa pamamagitan ng Kanyang Nilikha?

- Mayroong _____.
- Ang mga nilikha ng Diyos ay nagpapakita na Siya ay:
 - Isaias 40:5-6 - _____
 - Isaias 40:28 - _____
 - Awit 145:9, 15-16 - _____
- Tayo'y mga _____.

Kung titingnan mong mabuti ang sinasabi ng awit, ano sa tingin mo ang reaksiyon niya o tugon niya sa mga nilikha ng Diyos? _____

Buod: Ang pahayag ng Diyos sa kalikasan (*natural revelation*) ay nagpapakita sa lahat na mayroong Diyos na dapat sambahin at walang maaaring idahilan ang tao sa Diyos (*no excuse*).

4. Paano tayo dapat manalangin?

(Lucas 11:5-13)

- Ano ang itinuturo ng talinghaga sa verses 5-8 tungkol sa kung paano tayo dapat lumapit sa Diyos sa panalangin?
- Ano ang pangako sa verses 9-10?
- Ibig sabihin ba nito na ibibigay ng Diyos sa atin ang lahat ng gusto natin? (Santiago 4:3; I Juan 5:14)
- Ano ang itinuturo ng talinghagang ito tungkol sa katangian at hangarin ng Diyos (tingnan ang verses 11-13)?
- Anong kaloob (gift) ang dapat nating pahalagahan nang higit sa lahat (verse 13)?

Pangwakas

Ang panalangin ay isang pribilehiyo kung saan nakikipagtagpo tayo sa nag-iisa at natatanging banal na Diyos. Sa halimbawa ni Jesus, natutunan nating ang panalangin ay sa ating Ama natin babanggitin. Dapat nating bigyan ng papuri at karangalan ang ating Panginoon sa paglapit natin sa Kanya, na hinahanap ang Kanyang ganap na kalooban at hindi ang sa sarili natin. Sa talinghagang itinuro ni Jesus nakita natin na makalalapit tayo nang may kalayaan at lakas ng loob sa Diyos. At sa ating paglapit, dapat tayong maging matiyaga sa paghingi, paghahanap, at pagkatok sa Diyos dahil sasagutin Niya ang ating mga panalangin. Tumutugon Siya hindi dahil napipilit natin Siya kundi dahil Siya ang mahabaging Ama na nagnanais ibigay sa Kanyang mga anak ang mga pinakamainam na bagay. At ang pinakamainam sa lahat ay ang ipagkaloob Niya ang Kanyang sarili sa atin sa pamamagitan ng Banal na Espiritu.

Sambahin nawa ang iyong pangalan...

Nawa'y maghari ka sa amin...

Bigyan mo kami ng aming kakainin sa araw-araw...

Patawarin mo kami sa aming mga kasalanan...

Huwag mo kaming hayaang matukso...

Mga prinsipyong dapat tandaan sa pananalangin:

1. Ang panalangin ay pakikipag-ugnayan (*communion*) sa Diyos, sa Diyos na namamahala (*authority*) sa atin at Siya ring nais mapalapit sa atin (*intimacy*).
2. Itong ay dapat isagawa na pangunahin sa puso at isip ang karangalan ng Diyos at ang Kanyang mga layunin.
3. Ito ay pagpapahayag ng ating pananangan (*dependence*) sa Diyos at pagtitiwala na tutugunan Niya ang lahat ng ating pangangailangan at iingatan tayo sa lahat ng masama.
4. Ito ay dapat isagawa nang may kababaan ng loob, na kinikilala ang ating pangangailangan ng Kanyang pagpapatawad at biyaya.

2. Nagsasalita ang Diyos sa pamamagitan ng Bibliya
(Awit 19:7-11)

Bakit napakahalaga ng Salita ng Diyos (Bibliya)?

- _____
- _____
- _____

Buod: Ang Salita ng Diyos, na nasusulat sa Bibliya, ay ang ganap (*perfect*) at pangunahing paraan ng Kanyang direktang pakikipag-ugnayan sa atin.

3. Ang tamang tugon sa mga sinasabi ng Diyos
(Awit 19:12-14)

Ang mga biblikal na prinsipyong itinuturo ng Awit 19

1. Ang kaluwalhatian, kadakilaan, kapangyarihan, at kapamahalaan ng Diyos ay kitang-kita ng lahat sa pamamagitan ng ipinapahayag ng Diyos sa Kanyang Nilikha (*natural revelation*).
2. Ang Bibliya (ang Kasulatan) ay ang hindi magkakamali at hindi mababaling Salita ng Diyos (*special revelation*) na nagpapahayag ng Kanyang mga kautusang dapat sundin ng tao at nagbibigay ng buhay sa sinumang tutupad sa Kanyang mga salita.
3. Ang nararapat na tugon ng tao sa pahayag ng Diyos, sa kalikasan at sa Bibliya, ay ang mababang-loob na pagsisisi at pananampalataya.

4. Ano naman ang sinasabi ng Bagong Tipan ukol sa Kasulatan?

(2 Timoteo 3:14-17)

Saan nanggaling ang Kasulatan (Bibliya)? Tingnan din ang 2 Pedro 1:20-21. Ano ang implikasyon nito sa pagbabasa natin ng Bibliya? _____


Ano ang layunin ng Kasulatan?

_____ (2 Timoteo 3:14-15)

_____ (2 Timoteo 3:16-17)

Pangwakas

1. Ipinapahayag ng Diyos ang Kanyang sarili sa atin sa pamamagitan ng kanyang Nilikha (*natural revelation*) at lalung-lalo na sa pamamagitan ng Kanyang Salita, ang Bibliya (*special revelation*).
2. Ipinapahayag ng Nilikha ang mga katangian ng Diyos.
3. Ipinapahayag ng Bibliya na Siya'y marapat lamang na mamahala ng ating buhay, na tayo'y nararapat lamang na parusahan dahil sa pagsuway natin, at si Jesus lamang ang daan upang tayo ay maligtas mula sa hatol ng Diyos.
4. Itinuturo sa atin at sinasanay tayo ng Bibliya kung paano mamuhay nang naaayon sa nais ng Diyos at nakalulugod sa Kanya.



Aralin 4

PAKIKIPAG-USAP SA DIYOS

Panimula

Layunin ng Pag-aaral: Para matutunan ng isang bagong tagasunod ni Cristo ang daan na dapat lakaran sa paglago sa relasyon sa Diyos at ang mga pangunahing hakbang na dapat gawin upang magpatuloy dito.

1. Ano ang panalangin?

Ang panalangin ay _____

2. Bakit tayo dapat manalangin?

Dahil ito ay _____ ng Diyos.
(Colosas 4:2; 1 Tesalonica 5:17; Lucas 18:1).

Dahil ito ay likas na _____ ng mga tunay na anak ng Diyos

3. Ano ang dapat nating ipananalangin?

(Lucas 11:1-4)

The Lord's Prayer

Ama...